

## فروض حبك

إيه آخرتها معاك يا اللي

بتشبهه روعي بالملي

وبتملي على قلبي فروض حبك

بتعند بس ليه يا جميل؟

يعدّي الليل وراه الليل

ولا بتحن، ولا تسأل، ولا بتميل

إيه آخرتها مع قلبك

هنعمل يعني إيه ويّاك؟

بتتمناك..

في كل زمان بنكتبلك

في كل ثانية نستناك

ونكذب لو نقول كـ(بخيت):

"وماذا قد يَضيِّرُ الشمسَ إنْ هُمُ أَغلقوا الشُّبَّاكُ؟"

عشان بيضير..

أقول لك حتى سر خطير؟

حتى الشمس..

-فيه مخلوق إذا أغلقنا شباكاه - بتصبح ليل

وانا شباكي دا قلبك

رجاءً، افتح الشباك

رجاءً، خلِّي سري في بير